



Inungnun Tuhaqtitauyukhaq

T5007 Taaksiutikhat

Aulaqtirvikhaa Ublua: **Maassi 23, 2020**

Nutqaqvikhaa Ublua: **April 30, 2020**

Nunavut tamaani

65 sec

Inuliriiyitkut Ikayuuhialiqiyyitkut Havagviata ilitturipkaiyut Nunavunmiunut taapkuat T5007 taaksiutiqhait 2019 Ikayuuhiaqpaktunut tuniyauniaqtut nungnguliqcat April.

Amiraqhunganittumik ilangginnut ayuqhavyaqtunut aanniarutaannit QALAQTURYUARNIKKUT-19 hiamitirnia, Canada Revenue Agency kut aadlangguqtait utiqtiqtaqhainnik ublua kingguvalimaittaat 2019 taaksiutit utirutiqhait inungnut ubluanggannut June 1, 2020.

Kihiani, pidjutiplugu Canada Revenue Agency malikkuutait, **Ikayuuhialiqiyyit Havagviata pitquyut ikayuuhiaqpaktut iniqtiqtaqhait inkam taaksiutiqhait ubluagilluanga April 2, kingguvanggillugu ublua**, tunihilutiq nalautivyaqtumik maniqaqhagivaktainnik (pilutiq itquummakpiaqtumik pinahuaqlutik). Taimaa piyaami piluqulimaittaanggat piliqluni akiliqtuivaktut taaksinut ikayuutikhainik, taapkuatut Paaplaplautit Aquaqhiutit Inutquaqhiutiniklu. Naunaiqattaqvigilugu inkam taaksiutiniq uqaudjimut upalunggaiyaligumi nalautivyaqtarniq maniqaqhagivaktarniq taimaa pitquyut.

T5007 taaksiutikhat tuniyauqpatta, ublumimut kangiqhidjutinik ihuaqhaqtauyuqhat taapkunanut Canada Revenue Agency kunnut.

Ikayuuhialiqiyyit Havagviata ilitturihimayut aktungnia tuulliingnia pidjutiniaqtuq inungnut havagyuaqtutlu ihuaqhainirmun ikayuuhiat akiitlu Nuvaippamit Dissaippamut 2019 Jaanuialilu 2020.

Apikkuutiqaguvit T5007 taaksiutikhatigun qanuqlu piyuqhat ikayuuhiayuqtunut, hivayadjavahi nunaffingni Ikayuuhialiqiyyit. Titiraghimayut atiit nalvaangginnariaqaqtut uvani: https://gov.nu.ca/sites/default/files/income_assistance_office_list.pdf

###

Tuhaqtipkaidjutikhanut Uqaqvigiyakhaq:

Lucy Aqpik
Tuhaqtipkainirmun Ayuittiaqhimayuq
Inuliriiyitkut Havakvia
867-975-5207
laqpik@gov.nu.ca

News releases are available in Inuktitut, English, Inuinnaqtun and French on www.gov.nu.ca.
Tuhaqtakhat ittut Inuktitut, Qablunaatitut, Inuinnaqtun Uiviiitullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.